

## Paratoi ar gyfer amhariad ar arholiadau

Mae'r ddogfen hon yn seiliedig ar y canllawiau sy'n rhan o Gynllun Wrth Gefn y CGC, sydd i'w gweld ar wefan y CGC:

[www.jcq.org.uk/exams-office/other-documents/](http://www.jcq.org.uk/exams-office/other-documents/)

**Rhaid** i bob canolfan fod â chynllun wrth gefn ysgrifenedig cyfredol.

**Rhaid i'r** cynllun wrth gefn gynnwys pob agwedd ar weinyddu a darparu arholiadau/asesiadau. **Rhaid** i uwch arweinwyr fod â threfniadau wrth gefn cadarn mewn lle. Bydd hyn yn lleihau'r risg i'r drefn o weinyddu a darparu arholiadau/asesiadau ac unrhyw effaith andwyol ar ymgeiswyr.

Rhaid i'r cynllun ymdrin â'r meysydd canlynol:

- absenoldeb pennaeth y ganolfan, uwch arweinydd(arweinwyr) perthnasol sy'n goruchwylio gweinyddiaeth arholiadau ac asesiadau, CAAA/CAAY (SEnCo/ALNCo), swyddog arholiadau neu unrhyw aelod allweddol arall o staff sy'n hanfodol i'r broses arholi yn ystod cam pwysig o'r gylchred arholiadau;
- effaith bosibl digwyddiadau eraill megis llifogydd, a fyddai'n gallu olygu nad yw'r ganolfan gyfan neu rannau ohoni ar gael;
- problemau posibl gyda systemau TG y ganolfan.

Fel rhan o'u cynllun wrth gefn **rhaid** i ganolfannau nodi safle arall os na ellir cynnal arholiadau yn y cyfeiriad cofrestredig. Efallai y bydd angen sawl safle arall posibl ar ganolfannau mwy **neu** safleoedd gwahanol ar gyfer Grwpiau Blwyddyn gwahanol.

**Rhaid** i holl staff perthnasol y ganolfan fod yn gyfarwydd â'r cynllun wrth gefn arholiadau. Dylid ystyried sut bydd y trefniadau hyn yn cael eu cyfleu i ymgeiswyr, rhieni a staff pe bai unrhyw beth yn amharu ar arholiadau.

Gall yr amhariad fod ar sail tri chategori, ac amlinellir y rhain yn y senarios isod.

## Efallai na fydd ymgeiswyr yn gallu sefyll arholiadau, ond mae'r canolfannau'n parhau ar agor

Dylai cynlluniau wrth gefn canolfannau ganolbwyntio ar ddewisiadau sy'n golygu bod modd i ymgeiswyr sefyll eu harholiadau. Yn rhan o'r paratodau hyn, dylai canolfannau ystyried y canllawiau a ddarperir yng nghyhoeddiad y CGC *Cyfarwyddiadau ar gynnal arholiadau*:

<http://www.jcq.org.uk/exams-office/ice---instructions-for-conducting-examinations>

- ystyried symud amser cychwyn yr arholiad ar gyfer pob ymgeisydd (gweler **adran 6.2** dogfen y CGC *Cyfarwyddiadau ar gynnal arholiadau*)

- bod yn ymwybodol o'r rheolau'n ymwneud â'r sawl sy'n cyrraedd yn hwyr iawn (gweler **adran 21** dogfen y CGC *Cyfarwyddiadau ar gynnal arholiadau*).

Lle bynnag y bo'n bosibl, sefyll yr arholiad sydd orau i'r ymgeiswyr bob amser. Fodd bynnag, lle nad yw ymgeisydd yn gallu sefyll yr arholiad, mae ystyriaeth arbennig yn opsiwn (gweler **Pennod 4** dogfen y CGC *Canllaw i'r broses ystyriaeth arbennig*:

<https://www.jcq.org.uk/exams-office/access-arrangements-and-special-consideration/regulations-and-guidance>).

Peidiwch ag oedi cyn ffonio'r corff dyfarnu perthnasol os oes angen cefnogaeth neu arweiniad ychwanegol arnoch chi os bydd amhariad ar eich arholiadau.

## Efallai na fydd canolfannau yn gallu agor ar gyfer arholiadau

Fel uchod, rhaid i unrhyw gynlluniau wrth gefn sydd gan y canolfannau ganolbwyntio ar sicrhau bod modd i ymgeiswyr sefyll eu harholiadau os oes perygl i'r ganolfan beidio ag agor fel arfer.

Pennaeth y ganolfan sy'n gyfrifol am benderfynu os yw'n ddiogel i ganolfan agor. Dylai gymryd cyngor neu ddilyn cyfarwyddiadau gan asiantaethau lleol neu genedlaethol perthnasol.

Mae cynllun wrth gefn system arholiadau'r tair gwlad yn cynnwys gwybodaeth am yr hyn y dylai canolfannau ei wneud os bydd amhariad mawr yn digwydd ar arholiadau neu asesiadau eraill.

[www.gov.uk/government/publications/exam-system-contingency-plan-england-wales-and-northern-ireland/what-schools-and-colleges-should-do-if-exams-or-other-assessments-are-seriously-disrupted](http://www.gov.uk/government/publications/exam-system-contingency-plan-england-wales-and-northern-ireland/what-schools-and-colleges-should-do-if-exams-or-other-assessments-are-seriously-disrupted)

Mae'n bosibl cael ystyriaeth arbennig os bydd pob llwybr arall wedi'i ystyried a'r ymgeiswyr yn bodloni'r meini prawf perthnasol.

Peidiwch ag oedi cyn ffonio'r corff dyfarnu perthnasol os oes angen cefnogaeth neu arweiniad ychwanegol arnoch chi os bydd amhariad ar eich arholiadau.

## Oedi yn y trefniadau i gasglu sgriptiau arholiad wedi'u cwblhau

Mewn achosion lle mae arholiadau'n rhan o'r gwasanaeth 'labeli melyn' cenedlaethol neu lle mae cyrff dyfarnu'n trefnu casglu'r deunyddiau, dylai canolfannau gysylltu â'r cyrff dyfarnu perthnasol am gyngor a chyfarwyddiadau.

Mewn achosion lle mae'r canolfannau yn gwneud eu trefniadau casglu eu hunain, dylent ymchwilio i ba ddewisiadau eraill sydd ar gael sy'n cydymffurfio â dogfen Cyfarwyddiadau ar gynnal arholiadau y CGC.

**Rhaid** cadw sgriptiau yn yr ystafell ddiogel bob amser tan y bydd hi mor agos â phosibl at yr amser casglu. **Ni ddylid** gadael pecynnau sgriptiau heb neb yn bresennol yn y man casglu.

## Crynodeb o gyfrifoldebau'r ganolfan a'r corff dyfarnu

Cyfrifoldeb y canolfannau yw:

- paratoi cynlluniau i'w defnyddio mewn ymateb i unrhyw amhariad ar arholiadau fel rhan o drefniadau wrth gefn arholiad ysgrifenedig.
- penderfynu os gallent agor ar gyfer arholiadau fel y trefnwyd, a lle nad yw hyn yn bosibl, hysbysu'r cyrff dyfarnu perthnasol.
- gweithredu trefniadau eraill ar gyfer cynnal arholiadau, fel rhan o'u cynllun wrth gefn ar gyfer arholiadau ysgrifenedig, os na fydd y ganolfan yn gallu agor ar gyfer arholiadau.
- *hysbysu Gwasanaeth Arolygu Canolfannau'r CGC o'r trefniadau ar gyfer safle arall drwy gyflwyno ffurflen Safle Arall y CGC ar-lein, gan ddefnyddio'r Porth Gweinyddu Canolfannau (CAP). Gellir cael*

mynediad at y Porth Gweinyddu Canolfannau (CAP) gan ddefnyddio unrhyw un o safleoedd allrwyd diogel y cyrff dyfarnu

- barnu os yw'r ymgeiswyr yn bodloni'r gofynion i dderbyn ystyriaeth arbennig oherwydd unrhyw amhariad a chyflwyno'r ceisiadau hyn i'r cyrff dyfarnu perthnasol
- asesu eu hamgylchiadau a chysylltu â'r cyrff dyfarnu os bydd amhariad yn digwydd i drefniadau casglu sgrïptiau arholiad wedi'u cwblhau.

Cyfrifoldeb y cyrff dyfarnu yw:

- sicrhau bod canolfannau'n derbyn deunyddiau arholiad ar gyfer arholiadau wedi'u hamserlennu
- cynghori canolfannau ynghylch trefniadau eraill posibl a gwrthod/cymeradwyo cynigion ar gyfer trefniadau arholiad eraill posibl
- gwrthod/cymeradwyo ceisiadau am ystyriaeth arbennig.

## **Manylion cyswllt y cyrff dyfarnu**

Am ragor o gyngor cysylltwch â'r corff dyfarnu perthnasol:

- AQA 0800 197 7162  
[eos@aca.org.uk](mailto:eos@aca.org.uk)
- CCEA 028 9026 1212, 028 9026 1293, 028 9026 1425  
[centresupport@ccea.org.uk](mailto:centresupport@ccea.org.uk)
- OCR 01223 553998  
[support@ocr.org.uk](mailto:support@ocr.org.uk)
- Pearson 0344 463 2535
- CBAC 02920 265 077  
[arholiadau@cbac.co.uk](mailto:arholiadau@cbac.co.uk)